

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), na prijedlog Ministarstva finansija, Vlada Zeničko-dobojskog kantona, na 123. sjednici, održanoj dana 06.09.2013. godine, d o n o s i

ZAKLJUČAK

I.

Utvrđuje se Prijedlog Zakona o izmjenama i dopunama Zakona o kantonalnim administrativnim taksama.

II.

Prijedlog Zakona o izmjenama i dopunama Zakona o kantonalnim administrativnim taksama upućuje se u dalju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02-_____ /13.

Datum, 06.09.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo finansija,

1x Stručna služba Skupštine,

1x a/a.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na ____sjednici, održanoj dana _____, donosi

Z A K O N
o izmjenama i dopunama Zakona o kantonalnim administrativnim taksama

Član 1.

U Zakonu o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10 i 9/10, u daljnjem tekstu: Zakon o kantonalnim administrativnim taksama), član 12. mijenja se i glasi:

“Takse predviđene ovim zakonom plaćaju se u taksenim markama ili uplatom na žiro-račun Zeničko-dobojskog kantona putem jedne od komercijalnih banaka.

Takse Kantona su prihod budžeta Kantona.”

Član 2.

U Zakonu o kantonalnim administrativnim taksama, član 13., se briše.

Član 3.

U Zakonu o kantonalnim administrativnim taksama, u članu 17., u stavu 1., iza tačke 15., dodaju se nove tačke 16., 17., 18., 19., 20., 21., 22., 23., 24. i 25., koje glase:

“16. Zahtjevi za izdavanje vodnih akata (prethodna vodna saglasnost, vodna saglasnost i vodna dozvola);

17. Registracija veterinarskih organizacija;

18. Upis u registar proizvođača osvježavajućih bezalkoholnih pića, voćnih sokova i sirupa i flaširanih voda;

19. Upis u registar proizvođača mlinskih proizvoda;

20. Nadoknada štete nastale na poljoprivrednim kulturama i stoci od strane divljači;

21. Službene iskaznice za lica koja obavljaju poslove zaštite ljudi i imovine;

22. Mišljenje o ispunjavanju uslova propisanih Odlukom o uslovima i trajanju karantina za uvezene životinje;

23. Uvjerenje da na području kantona/općine nije utvrđena/prijavljena bolest “Američka kuga”;

24. Zahtjev za donošenje rješenja o sanitarno-preventivnoj saglasnosti za izgradnju, adaptaciju i upotrebu zdravstvenog objekta;

25. U postupcima koje provodi Ministarstvo za privredu Zeničko-dobojskog kantona za izdavanje:

a) rješenja kojima se utvrđuju minimalni uvjeti za obavljanje industrijskih djelatnosti,

b) rješenja – dozvole za bavljenje registrovanom djelatnosti iz oblasti geoloških istraživanja i eksploatacije mineralnih resursa,

c) rješenja – dozvole za istraživanje mineralnih resursa,

d) rješenja – potvrde o verifikaciji geoloških rezervi mineralnih resursa,

e) rješenja – dozvole za eksploataciju mineralnih resursa,

f) rješenja – odobrenja za izvođenje radova po glavnom i dopunskom rudarskom projektu,

e) rješenja – potrebne dozvole za rudarske projekte, opremu i mašine,

g) rješenja kojima se utvrđuju minimalni uvjeti za kategorizaciju ugostiteljskih objekata iz skupine „hoteli“ i za rješenja kojima se utvrđuju samo minimalni uvjeti, i

h) rješenja kojima se utvrđuju minimalni uvjeti i uvjeti za kategoriju „restoran“ i za rješenja kojima se utvrđuju samo minimalni uvjeti.”

Član 4.

U Zakonu o kantonalnim administrativnim taksama, u članu 22., u stavu 1., u petom redu, iza riječi “povrat takse”, dodaju se riječi: “koji se vrši u skladu sa važećim kantonalnim pravilnikom o procedurama za povrat više ili pogrešno uplaćenih javnih prihoda sa Jedinstvenog računa trezora Zeničko-dobojskog kantona”.

U članu 22., u stavu 2. Zakona, u drugom redu, iza riječi “Rješenje”, riječi “o povratu takse donosi organ kome je taksa plaćena”, zamjenjuje se riječima “o utvrđivanju pogrešno ili više uplaćenih prihoda po osnovu uplaćene kantonalne administrativne takse donosi nadležni organ uprave, koji je naložio plaćanje takse ili za čiji je rad plaćena taksa, a rješenje o odobravanju povrata sredstava donosi Ministarstvo finansija Zeničko-dobojskog kantona u skladu sa Zakonom o izvršenju budžeta za tekuću godinu.”.

Član 5.

U Zakonu o kantonalnim administrativnim taksama, član 25., se briše.

Član 6.

U Zakonu o kantonalnim administrativnim taksama, u dijelu „Tarifa Kantonalnih administrativnih taksi“, u odjeljku II. RJEŠENJA, Tarifni broj 15., u stavu 1., broj “500”, zamjenjuje se brojem “150”.

U stavu 2., broj “200”, zamjenjuje se brojem “100”.

Stav 3. se briše.

Stav 4. postaje stav 3.

Član 7.

U Zakonu o kantonalnim administrativnim taksama, u odjeljku II. RJEŠENJA, Tarifni brojevi 17., 18., 19., 20., 23., 24., 25. i 26., se brišu.

Član 8.

U Zakonu o kantonalnim administrativnim taksama, u odjeljku II. RJEŠENJA, Tarifni broj 31., mijenja se i glasi:

„Za rješenje o ispunjavanju tehničko-eksploatacionih uslova za vozilo – 10 KM.“

Član 9.

U Zakonu o kantonalnim administrativnim taksama, u odjeljku II. RJEŠENJA, Tarifni broj 33., se briše.

Član 10.

U Zakonu o kantonalnim administrativnim taksama, u odjeljku II. RJEŠENJA, Tarifni broj 35., u stavu 1., u tački 1., broj “45”, zamjenjuje se brojem “30”.

U stavu 1. u tački 2., broj “35”, zamjenjuje se brojem “30”.

U stavu 1. u tački 4., u alineji a), broj “60”, zamjenjuje se brojem “50”.

U stavu 1. u tački 4., u alineji b), broj “90”, zamjenjuje se brojem “60”.

Član 11.

U Zakonu o kantonalnim administrativnim taksama, u odjeljku II. RJEŠENJA, Tarifni broj 36., se briše.

Član 12.

U Zakonu o kantonalnim administrativnim taksama, u odjeljku II. RJEŠENJA, Tarifni broj 37., u stavu 1., u tački 3., broj "140", zamjenjuje se brojem "100".

Član 13.

U Zakonu o kantonalnim administrativnim taksama, u odjeljku IV. OVJERE I PREPISI, Tarifni broj 46., u stavu 1., u tački b), iza riječi "stranici", dodaju se riječi: "a svaka slijedeća stranica istog dokumenta – 0,50 KM".

Član 14.

Ovlašćuje se Zakonodavno-pravna komisija Skupštine Zeničko-dobojskog kantona da utvrdi novi prečišćeni tekst Zakona o kantonalnim administrativnim taksama.

Član 15.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj:
Datum,
Z e n i c a

PREDSJEDAVALAČI

Sretko Radišić

OBRAZLOŽENJE

I USTAVNI OSNOV

Ustavni osnov za donošenje ovog zakona sadržan je u članu 37. stav 1. tačka g) Ustava Zeničko-dobojskog kantona.

II RAZLOZI ZA DONOŠENJE

Vlada Zeničko-dobojskog kantona i Međunarodna finansijska korporacija (International Finance Corporation-IFC) iz Grupacije Svjetske banke su 26.02.2013. godine potpisale Ugovor o saradnji, a koji se odnosi na provođenje "Projekta poboljšanja poslovnog ambijenta u Zeničko-dobojskom kantonu" (u daljem tekstu: Projekat).

U skladu sa obavezama preuzetim potpisivanjem pomenutog Ugovora o saradnji, imenovana je Radna grupa za provođenje Projekta, odgovorna za aktivno učešće u postupku reforme administrativnih postupaka na nivou Zeničko-dobojskog kantona, radi kvalitetnijeg pružanja usluga građanima i privrednim subjektima, unapređenja uslova i smanjenja rizika i troškova poslovanja.

Radna grupa je pristupila analizi svih 225 administrativnih postupaka koji se provode na nivou Zeničko-dobojskog kantona, uzimajući u obzir uporedne analize i obavljene konsultacije sa poslovnim sektorom, te pripremila set preporuka za svaki pojedinačni postupak, te je nakon niza održanih sastanaka usvojila prijedloge i preporuke za pojednostavljenje, eliminaciju i unapređenje administrativnih postupaka, a što će omogućiti stvaranje poslovnog ambijenta za privlačenje domaćih i stranih investicija u Zeničko-dobojskom kantonu.

Vlada Zeničko-dobojskog kantona je donijela Odluku o usvajanju preporuka za pojednostavljenje, unapređenje i eliminisanje administrativnih postupaka („Službene novine Zeničko-dobojskog kantona“, broj: 9/13), kojom je usvojen Izvještaj Radne grupe za provođenje Projekta poboljšanja poslovnog ambijenta u Zeničko-dobojskom kantonu.

Članom 2. navedene Odluke je propisano da će Preporuke Radne grupe biti primjenjene od strane kantonalnih ministarstava i drugih tijela kantonalne uprave u obavljanju upravnih i sa njima povezanih stručnih i drugih poslova iz okvira svoje nadležnosti, nakon stupanja na snagu Odluke i donošenja provedbenih kantonalnih akata kojim će se detaljnije urediti pitanja vezana za njihovu primjenu.

Članom 3. iste Odluke je propisan rok za utvrđivanje prijedloga akata iz člana 3. Odluke čije je donošenje u nadležnosti Skupštine Zeničko-dobojskog kantona i utvrđeno da isti iznosi 60 dana od dana usvajanja Odluke.

S tim u vezi, IFC, odnosno Radna grupa je u saradnji i uz saglasnost resornih ministarstava, predložila Ministarstvu finansija odgovarajuće izmjene i dopune Zakona o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10 i 9/10), u smislu snižavanja i ukidanja taksi za pojedine tarifne brojeve, a što bi značilo umanjenje određene vrste neporeznih prihoda (po osnovu taksi) u Budžetu Kantona.

S obzirom da nije u pitanju složen i obiman zakon umjesto nacрта zakona predlaže se podnošenje prijedloga zakona i pretresanje po skraćenom postupku, bez nacрта zakona, a u skladu sa članom 140. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12),

III OBRAZLOŽENJE PRAVNIH RJEŠENJA

IFC, odnosno Radna grupa, nakon završenih konsultacija sa resornim ministarstvima je predložila Ministarstvu finansija da se izvrše slijedeće izmjene i dopune Zakona o kantonalnim administrativnim taksama, u smislu da se od plaćanja kantonalnih administrativnih taksi oslobode:

- zahtjevi za izdavanje vodnih akata,
- stranke u određenim postupcima koje provodi Ministarstvo privrede Zeničko-dobojskog kantona,
- da se snize takse za izdavanje rješenja o ispunjavanju vodoprivrednih uvjeta i izdavanja vodoprivrednih saglasnosti i dozvola za korištenja voda,
- da se uvede jednoobrazna taksa za sve vrste vozila u iznosu od 10 KM,
- da se snizi taksa na izdavanje rješenja kojim se utvrđuje da klaonice i drugi objekti u kojima se obavlja klanje životinja i proizvodi meso i drugi proizvodi životinjskog porijekla namijenjeni za javnu (domaću) potrošnju udovoljavaju propisanim uvjetima sa 140 KM na 100 KM,
- da se snize takse na zahtjev za donošenje rješenja o odobrenju rada zdravstvenih radnika u privatnoj praksi ili prosirenju rada u privatnoj praksi ili rada izvan putnog radnog vremena u zdravstvenoj ustanovi odnosno privatnoj praksi sa 500 KM na 150 KM,
- da se snize takse na zahtjev za donosenje rješenja o ispunjenosti uvjeta u pogledu prostora, kadra i medicinsko-tehnicke opreme za rad u zdravstvenoj djelatnosti ili promjenu ili proširenje zdravstvene djelatnosti sa 200 KM na 100 KM,
- da se briše obaveza plaćanja takse u iznosu od 100 KM na zahtjev za donosenje rješenja o sanitarno-preventivnoj saglasnosti za izgradnju, adaptaciju i upotrebu zdravstvenog objekta,
- da se za ovjeravanje službenih akta plaća 2 KM po jednoj stranici, a za svaku sljedeću stranicu istog dokumenta 0,50 KM., itd.

Ministarstvo finansija je u Prijedlog Zakona ugradilo i prijedlog Ministarstva za privredu Zeničko-dobojskog kantona, da se u članu 3. Prijedloga Zakona, iza broja 19. trebaju dodati brojevi: 20., 23., 24., 25. i 26., tj. da je potrebno brisati navedene tarifne brojeve iz Zakona.

Navedenim tarifnim brojevima je do sada bilo predviđeno plaćanje kantonalne administrativne takse iz resora Ministarstva za privredu, a isti su predloženi za brisanje iz razloga što je utvrđivanje minimalnih uslova i kategorizacija navedenih ugostiteljskih objekata za prehranu i/ili za smještaj prešlo u nadležnost općina.

S obzirom da se radi o Zakonu čiji je osnovni tekst donesen još 1997. godine, u istom je uočeno nekoliko nomotehničkih grešaka, te zastarijelih pojmova i instituta, to je s tim u vezi Ministarstvo finansija kroz članove 1., 2., 4. i 5. Prijedloga Zakona, predložilo odgovarajuće nomotehničke korekcije i usklađivanje Zakona sa postojećim pravnim sistemom.

O tekstu Prijedlogu Zakona su pribavljena mišljenja Sekretarijata za zakonodavstvo i Ministarstva za pravosuđe Zeničko-dobojskog kantona.

IV FINANSIJSKI EFEKTI

Vlada Zeničko-dobojskog kantona je donijela Odluku o usvajanju preporuka za pojednostavljanje, unapređenje i eliminisanje administrativnih postupaka („Službene novine Zeničko-dobojskog kantona, broj: 9/13).

Predmetnom Odlukom je usvojen Izvještaj Radne grupe za provođenje Projekta poboljšanja poslovnog ambijenta u Zeničko-dobojskom kantonu. Navedenom Odlukom je između ostalih i Ministarstvo finansija zaduženo za provođenje aktivnosti na donošenju provedbenih kantonalnih akata kojim će se detaljnije urediti pitanja vezana za primjenu preporuka za pojednostavljanje, unapređenje i eliminisanje administrativnih postupaka.

Izvještajem radne grupe je predviđena potreba izmjena i dopuna Zakona o izmjenama i dopunama Zakona o kantonalnim administrativnim taksama, u smislu snižavanja i ukidanja taksi za pojedine tarifne brojeve.

Ministarstvo finansija je s obzirom da se radi o zakonu iz njegove nadležnosti, pripremilo Prijedlog Zakona o izmjenama i dopunama Zakona o kantonalnim administrativnim taksama, u skladu sa Preporukama i prijedlozima Međunarodne finansijske korporacije (International Finance Corporation-IFC-e), Radne grupe za provođenje Projekta, te saglasnosti i prijedloga resornih kantonalnih ministarstava i drugih kantonalnih organa.

Međutim, donošenje i provođenje predloženog Zakona će izazvati smanjivanje priliva kantonalnih prihoda po osnovu neporeznih prihoda, tj. kantonalnih administrativnih taksi u Budžet Kantona.

Ministarstvo finansija se svojim aktom, broj: 07/02-05-15773-1/13 od 15.08.2013. godine, obratilo resornim ministarstvima, upravama i službama Zeničko-dobojskog kantona, za stav po Prijedlogu Zakona o izmjenama i dopunama Zakona o kantonalnim administrativnim taksama, sa posebnim osvrtom na navođenje orijentacionog iznosa finansijskih sredstava za koji će prihodi Budžeta Kantona biti umanjeni po osnovu snižavanja i ukidanja taksi za tarifne brojeve iz resora pojedinih ministarstava.

Većina kantonalnih organa se nije očitovala po navedenom Prijedlogu Zakona

S obzirom na navedeno, u ovome trenutku je teško procjeniti o kojem iznosu na godišnjem nivou će se tačno raditi, obzirom na osvrt nadležnih kantonalnih ministarstava da prihodi po osnovu navedenih taksi variraju iz godine u godinu i zavise od broja podnesenih zahtjeva, te da se ministarstva ne mogu izjasniti o konačnim finansijskim efektima.

Imajući u vidu trenutno stanje slabog punjenja Budžeta Zeničko-dobojskog kantona, koje dovodi u pitanje samu likvidnosti Budžeta, prognoze priliva javnih prihoda za naredni period koje nisu ohrabrujuće, realizaciju Budžeta Kantona za 2012. godinu, koja je rezultirala deficitom u iznosu od 16.342.938,00 KM, te činjenicu da je i za period januar – juni 2013. godine ostvaren znatan višak rashoda nad prihodima, **Ministarstvo finansija je stava da konačna sudbina navedenog Prijedloga Zakona, kojim se predviđa umanjjenje kantonalnih prihoda, treba zavisiti od opredjeljenja Vlade i Skupštine Kantona po navedenom pitanju i procjene navedenih organa da li je u ovome trenutku opravdano u cilju «poboljšanja poslovnog okruženja i konkurentnosti u Zeničko-dobojskom kantonu», donositi Zakon kojim se umanjuju kantonalni neporezni prihodi po osnovu kantonalnih administrativnih taksi.**

MINISTRICA

Sabina Heljić

Na osnovu člana 16. stav 4. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na ___sjednici, održanoj_____2013. godine, d o n o s i

ZAKLJUČAK

I.

Utvrđuje se Prijedlog Zakona o izmjenama i dopunama Zakona o kantonalnim administrativnim taksama.

II.

Prijedlog Zakona o izmjenama i dopunama Zakona o kantonalnim administrativnim taksama upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02- /13
Datum, _____2013. godine
Z e n i c a

P R E M I J E R

Munib Husejnagić dipl.ing.maš.

DOSTAVLJENO:

1x Ministarstvo finansija,
1x Stručna služba Skupštine,
1x a/a.

O B R A Z L O Ž E N J E

I P R A V N I O S N O V

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10).

II R A Z L O Ž I Z A D O N O Š E N J E

Vlada Zeničko-dobojskog kantona i Međunarodna finansijska korporacija (International Finance Corporation-IFC) iz Grupacije Svjetske banke su 26.02.2013. godine potpisale Ugovor o saradnji, a koji se odnosi na provođenje “Projekta poboljšanja poslovnog ambijenta u Zeničko-dobojskom kantonu” (u daljem tekstu: Projekat).

U skladu sa obavezama preuzetim potpisivanjem pomenutog Ugovora o saradnji, imenovana je Radna grupa za provođenje Projekta, odgovorna za aktivno učešće u postupku reforme administrativnih postupaka na nivou Zeničko-dobojskog kantona, radi kvalitetnijeg pružanja usluga građanima i privrednim subjektima, unapređenja uslova i smanjenja rizika i troškova poslovanja.

Radna grupa je pristupila analizi svih 225 administrativnih postupaka koji se provode na nivou Zeničko-dobojskog kantona, uzimajući u obzir uporedne analize i obavljene konsultacije sa poslovnim sektorom, te pripremila set preporuka za svaki pojedinačni postupak, te je nakon niza održanih sastanaka usvojila prijedloge i preporuke za pojednostavljenje, eliminaciju i unapređenje administrativnih postupaka, a što će omogućiti stvaranje poslovnog ambijenta za privlačenje domaćih i stranih investicija u Zeničko-dobojskom kantonu.

Vlada Zeničko-dobojskog kantona je donijela Odluku o usvajanju preporuka za pojednostavljenje, unapređenje i eliminisanje administrativnih postupaka („Službene novine Zeničko-dobojskog kantona“, broj: 9/13), kojom je usvojen Izvještaj Radne grupe za provođenje Projekta poboljšanja poslovnog ambijenta u Zeničko-dobojskom kantonu.

Članom 2. navedene Odluke je propisano da će Preporuke Radne grupe biti primjenjene od strane kantonalnih ministarstava i drugih tijela kantonalne uprave u obavljanju upravnih i sa njima povezanih stručnih i drugih poslova iz okvira svoje nadležnosti, nakon stupanja na snagu Odluke i donošenja provedbenih kantonalnih akata kojim će se detaljnije urediti pitanja vezana za njihovu primjenu.

Članom 3. iste Odluke je propisan rok za utvrđivanje prijedloga akata iz člana 3. Odluke čije je donošenje u nadležnosti Skupštine Zeničko-dobojskog kantona i utvrđeno da isti iznosi 60 dana od dana usvajanja Odluke.

S tim u vezi, Radna grupa je u saradnji sa resornim ministarstvima, predložila odgovarajuće izmjene i dopune Zakona o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10 i 9/10), u smislu snižavanja i ukidanja taksi za pojedine tarifne brojeve.

III F I N A N S I J S K I E F E K T I

Vlada Zeničko-dobojskog kantona je donijela Odluku o usvajanju preporuka za pojednostavljenje, unapređenje i eliminisanje administrativnih postupaka („Službene novine Zeničko-dobojskog kantona, broj: 9/13).

Predmetnom Odlukom je usvojen Izvještaj Radne grupe za provođenje Projekta poboljšanja poslovnog ambijenta u Zeničko-dobojskom kantonu i istom je između ostalih i Ministarstvo finansija zaduženo za provođenje aktivnosti na donošenju provedbenih

kantonalih akata kojim će se detaljnije urediti pitanja vezana za primjenu preporuka za pojednostavljanje, unapređenje i eliminisanje administrativnih postupaka.

Izveštajem radne grupe je predviđena potreba izmjena i dopuna Zakona o izmjenama i dopunama Zakona o kantonalnim administrativnim taksama, u smislu snižavanja i ukidanja taksi za pojedine tarifne brojeve.

Ministarstvo finansija je s obzirom da se radi o zakonu iz naše nadležnosti, pripremlilo Prijedlog Zakona o izmjenama i dopunama Zakona o kantonalnim administrativnim taksama u skladu sa Preporukama i prijedlozima Međunarodne finansijske korporacije (International Finance Corporation-IFC-e), Radne grupe za provođenje Projekta, te saglasnosti i prijedloga resornih kantonalnih ministarstava i drugih kantonalnih organa.

Međutim, donošenje i provođenje predloženog Zakona će izazvati smanjivanje priliva kantonalnih prihoda po osnovu neporeznih prihoda, tj. kantonalnih administrativnih taksi u Budžet Kantona.

U ovome trenutku je teško procjeniti o kojem iznosu na godišnjem nivou će se tačno raditi obzirom na osvrt nadležnih kantonalnih ministarstava da prihod po osnovu navedenih taksi varira iz godine u godinu i zavisi od broja podnesenih zahtjeva, te da se ministarstva ne mogu izjasniti o konačnim finansijskim efektima.

Imajući u vidu trenutno stanje slabog punjenja Budžeta Zeničko-dobojskog kantona, koje dovodi u pitanje samu likvidnost Budžeta, prognoze priliva javnih prihoda za naredni period koje nisu ohrabrujuće, realizaciju Budžeta Kantona za 2012. godinu, koja je rezultirala deficitom u iznosu od 16.342.938,00 KM, te činjenicu da je i za period januar – juni 2013. godine ostvaren znatan višak rashoda nad prihodima, Ministarstvo finansija je stava da konačna sudbina navedenog Prijedloga Zakona **kojim se predviđa umanjene kantonalnih prihoda**, treba zavisiti od opredjeljenja Vlade i Skupštine Kantona po navedenom pitanju i njihove **procjene da li je u ovome trenutku opravdano u cilju «poboljšanja poslovnog okruženja i konkurentnosti u Zeničko-dobojskom kantonu», usvojati Zakon kojim se umanjuju kantonalni neporezni prihodi po osnovu kantonalnih administrativnih taksi.**

MINISTRICA

Sabina Heljić



Broj: 07/02-05-15773-2/13
Datum, 16.08.2013. godine

SEKRETARIJAT ZA ZAKONODAVSTVO

PREDMET: Mišljenje o Prijedlogu Zakona o izmjenama i dopunama
Zakona o kantonalnim administrativnim taksama - *traži se*

Na osnovu člana 31. stav (1) tačka a) Poslovnika o radu Vlade Zeničko-dobojskog kantona ("Službene novine Zeničko-dobojskog kantona" broj 5/11), u prilogu akta dostavljamo Vam Prijedlog Zakona o izmjenama i dopunama Zakona o kantonalnim administrativnim taksama, sa molbom za dostavu Vašeg mišljenja.

S poštovanjem!

MINISTRICA

Sabina Heljić

Dostavljeno:
1x Naslovu
1x a/a



Broj: 07/02-05-15773-3/13
Datum, 16.08.2013. godine

MINISTARSTVO ZA PRAVOSUĐE I UPRAVU

PREDMET: Mišljenje o Prijedlogu Zakona o izmjenama i dopunama
Zakona o kantonalnim administrativnim taksama - *traži se*

Na osnovu člana 31. stav (1) tačka b) Poslovnika o radu Vlade Zeničko-dobojskog kantona ("Službene novine Zeničko-dobojskog kantona" broj 5/11), u prilogu akta dostavljamo Vam Prijedlog Zakona o izmjenama i dopunama Zakona o kantonalnim administrativnim taksama, sa molbom za dostavu Vašeg mišljenja.

S poštovanjem!

MINISTRICA

Sabina Heljić

Dostavljeno:
1x Naslovu
1x a/a



Broj: 07/02-05-15773-1/13
Datum, 15.08.2013. godine

MINISTARSTVO ZA PRIVREDU

PREDMET: Stav po Prijedlogu Zakona o izmjenama i dopunama
Zakona o kantonalnim administrativnim taksama - *traži se*

Na osnovu člana 64. Jedinstvenih pravila za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08), u okviru neophodnih konsultacija među organima, u prilogu akta dostavljamo Vam tekst Prijedloga Zakona o izmjenama i dopunama Zakona o kantonalnim administrativnim taksama, sa molbom za Vaš stav po istom, te navođenje orijentacionog iznosa finansijskih sredstava za koji će prihodi Budžeta Kantona biti umanjeni po osnovu snižavanja i ukidanja taksi za tarifne brojeve iz resora Vašeg ministarstva.

Naime, Vlada Zeničko-dobojskog kantona je donijela Odluku o usvajanju preporuka za pojednostavljanje, unapređenje i eliminisanje administrativnih postupaka, broj: 02-05-15773/13 od 18.07.2013. godine, kojom je usvojen Izvještaj Radne grupe za provođenje Projekta poboljšanja poslovnog ambijenta u Zeničko-dobojskom kantonu.

Odbredbama navedene Odluke je predviđeno donošenje provedbenih kantonalnih akata kojim će se detaljnije urediti pitanja vezana za primjenu preporuka za pojednostavljanje, unapređenje i eliminisanje administrativnih postupaka.

Radna grupa je u saradnji sa resornim ministarstvima, predložila Ministarstvu finansija odgovarajuće izmjene i dopune Zakona o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09, 2/10, 6/10 i 9/10), u smislu snižavanja i ukidanja taksi za pojedine tarifne brojeve.

Molimo Vas za dostavu Vašeg Stava najkasnije do 26.08.2013. godine.

Iako se radi o Zakonu čiji je osnovni tekst donesen još 1997. godine i koji je pretrpio niz izmjena i dopuna, s obzirom da se predloženim izmjenama ne mijenja više od polovine članova osnovnog teksta propisa, nema osnova da se u skladu članom 45. stav (3) Jedinstvenih pravila za izradu pravnih propisa, pristupi donošenju novog propisa, dako da se Ministarstvo finansija odlučilo da pripremi i novi prečišćeni tekst Zakona.

S tim u vezi, ukoliko i u osnovnom tekstu Zakona uočite određene pravne propuste ili ozbiljnije tehničke greške, te zastarijele pojmove i institute iz resora Vašeg ministarstva/uprave, molimo Vas da nam o tome dostavite svoje primjedbe i sugestije, kako bismo iste uzeli u obzir prilikom pripreme Zakona o izmjenama i dopunama Zakona o kantonalnim administrativnim taksama.

S poštovanjem!

Dostavljeno:

- 1x Naslovu,
- 1x Ministarstvo zdravstva,
- 1x Ministarstvo za poljoprivredu, šumarstvo i vodoprivredu,
- 1x Ministarstvo za prostorno uređenje, promet i komunikacije i zaštitu okoliša,
- 1x Ministarstvo unutrašnjih poslova,
- 1x Ministarstvo za obrazovanje, nauku, kulturu i sport,
- 1x Ministarstvo za rad, socijalnu politiku i izbjeglice,
- 1x Ministarstvo za boračka pitanja,
- 1x Kantonalna uprava za inspeksijske poslove,
- 1x Kantonalna uprava civilne zaštite,
- 1x na uvid - Stručna služba vlade,
- 1x a/a.

MINISTRICA

Sabina Heljić



Broj: 07/02-02-15773/13
Zenica, 02.09.2013. godine

STRUČNA SLUŽBA VLADE

PREDMET: Prijedlog Zakona o izmjenama i dopunama Zakona
o kantonalnim administrativnim taksama - *dostavlja se*

Na osnovu člana 28. Poslovnika o radu Vlade Zeničko-dobojskog kantona ("Službene novine Zeničko-dobojskog kantona" broj 5/11), u prilogu akta Vam dostavljamo Prijedlog Zakona o izmjenama i dopunama Zakona o kantonalnim administrativnim taksama.

Molimo Vas da isti uvrstite na dnevni red prve naredne sjednice Vlade Kantona.

S poštovanjem!

PRILOG:

- kao u tekstu

Dostavljeno:

1x naslov,
1x a/a.

MINISTRICA

Sabina Heljić

